

傷寒正醫圖錄

四



傷寒正醫錄

卷之三 目次

陽明上篇四十六條

桂枝湯

麻黃湯

小柴胡湯

吳茱萸湯

四逆湯

茵陳蒿湯

抵當湯

五苓散

梔子豉湯

陽明中篇三十一條

調胃承氣湯

麻仁丸

大承氣湯

小承氣湯

大柴胡湯

蜜導

膽汁導

陽明下篇二條

小柴胡湯

傷寒正醫錄

卷之四 目次

少陽上篇二十八條

小柴胡湯 加減法

麻黃湯

柴胡加桂枝湯

少陽下篇六條

柴胡桂枝乾姜湯

柴胡加龍骨牡蠣湯

大柴胡湯

柴胡加芒硝湯

傷寒正醫錄卷三

陽明證總論

陽明有經病。有腑病。經病者。爲身熱。目疼。鼻乾。不眠。脉洪而長。以陽明主肌肉。其脉挾鼻絡於目也。腑病者。由表傳裡。由經入腑。邪氣既深。故爲潮熱。自汗。譫語。發渴。不惡寒。反惡熱。揭去衣被。揚手擲足。或發斑黃。狂亂。五六日不大便。脉滑而實。此實熱已傳于內也。腑病可下。經病不可下。蓋陽明之來路。是太陽。若陽明脉證已見八

九而太陽脉證有一二未盡者。則宜從太陽而兼治陽明。以太陽之邪易入。亦易出也。少陽爲陽明之去路。若陽明脉證雖見八九。而少陽脉證兼見一二者。則宜從少陽而不從陽明。以少陽爲半表半裡。但可和解而禁汗下也。俟外證盡罷。隨裡症輕重酌下之。

陽明上篇

傷寒三日。陽明脉大。

傷寒該中風而言。三日亦約略之詞。陽明多氣多血。故脉大。謂比太陽脉差大也。



本太陽初得病時。發其汗。汗先不徹。因轉屬陽明也。
推言所以轉屬陽明之故。此條不及。

陽脉實。因發其汗出多者。亦爲太過。太過爲陽絕於裡。亡
津液。大便因鞭也。

實卽傷寒脉之緊也。尚論曰。發太陽膀胱經之汗。卽當。
顧慮陽氣以膀胱主氣化故也。發陽明胃經之汗。卽當。
顧慮陰津以胃中藏津液故也。醫者可重劑發汗。劫人
之津液耶。此條太過。皆醫悞之故。

陽脉微而汗出少者。爲自和也。汗出多者。爲太過。



微卽中風脉之緩也。

問曰陽明病外症如何。荅曰身熱汗自出。不惡寒。反惡熱也。

此陽明中風之外證。尚兼太陽也。然熱邪在胃。與中風之汗不同。

問曰病有一日得之。不發熱而惡寒者何也。荅曰雖得之一日。惡寒將自罷。卽自汗出而惡熱也。

此亦陽明外證。尚兼太陽。

問曰惡寒何故自罷。荅曰陽明居中土也。萬物無歸。無所



復傳始雖惡寒。二日自止。此爲陽明病也。

胃爲水穀之海。五藏六府四肢百骸皆資養於胃。故中土爲萬物所歸。熱邪入胃府。則無所復傳也。本惡寒而二日自止者。胃不通暢。鬱而爲熱。此陽明傷寒之裡症也。

陽明病能食者爲中風。不能食者爲中寒。

胃爲水穀之海。風屬陽邪。陽氣殺穀。故中風者能食。寒屬陰邪。陰氣不殺穀。故中寒者不能食。太陽以有汗無汗分營衛。陽明則汗不足憑矣。故以能食不能食辨中。

風中寒。蓋遡其來源而分之也。

陽明病。脉遲。汗出多。微惡寒者。表未解也。可發汗。宜桂枝湯。

遲卽緩之甚者。桂枝症尚在。使風邪仍從衛解。

陽明病。脉浮無汗而喘者。發汗則愈。宜麻黃湯。

浮卽緊之輕者。麻黃證尚在。使寒邪仍從營出。

問曰。何緣得陽明病。荅曰。太陽病。若下。若發汗。若利小便。此亡津液。胃中乾燥。因轉屬陽明。不更衣。內寔。大便難者。此名陽明也。

此必誤下。誤汗。誤利。小便者也。外邪不解。徒傷津液。胃寔不大便。疑是可下之候。因與上文聯屬。故列此卷。

陽明病。但頭眩。不惡寒。故能食而咳。其人必咽痛。若不欬。咽不痛。

頭眩者。風邪上攻。不惡寒者。非寒邪也。傷風症本是能食。肺氣受傷。故欬。因欬而咽痛。非太陰之不咳而咽痛也。仲景恐人誤認。故申言之。

陽明病。法多汗。反無汗。其身如蟲行。皮中狀者。此以久虛故也。



陽明之所以多汗者。胃主肌肉。腠理必開也。應多汗而無汗。故曰反。寒邪勝而腠理反密。則身如蟄。行言所以不能達表之狀。久虛必不能食而胃不寔。非謂當用補也。

陽明病。反無汗而小便利。二三日嘔而咳。手足厥者。必苦頭痛。若不嘔不咳。手足不厥者。頭不痛。

尚論曰。陽明本不頭痛。無汗嘔咳。手足厥者。得之寒因。而邪熱深也。然小便利。則邪不在內。而在外。不在下。而在上。故頭痛也。若不嘔不咳不厥。而小便利者。邪熱必



順水道而出。豈有逆攻顛頂之理哉。

陽明病。口燥。但欲漱水。不欲咽者。此必衄。

方中行曰。口爲胃竅。胃熱則燥。漱水不欲咽者。陽明氣血俱多。雖燥不渴也。衄者。脉起于鼻。熱甚故妄行也。邪入血分。熱甚於經。故欲漱水。未入於府。故不欲咽。使此時以葛根湯汗之。不亦可以奪汗而無血乎。

脉浮發熱。口乾鼻燥。能食者則衄。

脉浮發熱。口乾鼻燥。皆陽明熱邪所致。能食爲風邪。風性上行。所以衄也。

陽明病。脉浮而緊者。必潮熱。發作有時。但浮者。必盜汗出。上段是陽明。猶帶太陽。潮熱屬陽明。脉浮緊屬太陽。不言治者。或仍汗之。或兩解之。或俟入裡而調和胃氣可也。下段是陽明已兼少陽。證謂其發作有時也。脉但見浮。雖邪熱漸減。然合目時。脾氣不運。腠理不固。所以有偷出之汗。此時或小柴胡和之。或裡症急而導之。或大柴胡解之可也。

陽明中風。脉弦。浮大而短氣。腹都滿。脇下及心痛。久按之氣不通。鼻乾不得汗。嗜卧。一身及面目悉黃。小便難。有潮

熱時時噦耳前後腫刺之少差外不解病過十日脉續浮者與小柴胡湯脉但浮無餘症者與麻黃湯若不尿腹滿加噦者不治

此陽明最重之證以三陽具見也陽明之脉本大弦則屬少陽故脇下痛浮仍屬太陽故膀胱不利而小便難腹滿鼻乾發黃潮熱時噦雖陽明本症然陽明不得卧今反嗜卧者寒邪內攻之象也太陽之脉從巔至耳陽明之脉上耳前少陽之脉從耳後入耳出走耳前今日前後腫又是三陽之明驗刺之少差必外症解而後可

攻也。否則邪在半表半裡。用小柴胡和之。但浮而不弦。又無諸裡症者。直用麻黃而使寒邪汗解。若不尿腹滿加噦。則氣塞不通。閉格之候也。難經曰。閉格者。不得盡其命而死。

小柴胡湯

載少陽上篇

柴胡味苦微寒。以升陽達表爲君。黃芩苦寒。以養陰退熱爲臣。半夏生姜辛溫。能健脾和胃。散逆氣而止嘔。人參甘草大棗以輔正氣。使邪不得入裡也。此專爲少陽之主藥。李士材曰。今人治傷寒。不問陰陽表裡。概用此。

方去參投之以爲平穩。殺人多矣。不必峻劑也。峻劑彼烏敢用。正以平穩而暗地操刀。則殺人愈多。予親見醫雜皆守此秘鑰。

食穀欲嘔者。屬陽明也。吳茱萸湯主之。得湯反劇者。屬上焦也。

陽明胃也。倉廩之官。主納水穀。胃寒故食穀欲嘔。吳茱萸溫之宜矣。若得湯反劇。則非胃中寒。乃太陽熱嘔。屬上焦之火也。宜葛根半夏小柴胡之類。

吳茱萸湯

吳茱萸洗一升 人參三兩 生薑兩大棗十二枚 水七升煮

二升去渣溫服七合日三服

茱萸入肝本厥陰經藥仲景立此方專治厥陰病今借以治陽明者因脾胃虛者爲土衰木必乘之故其氣上逆茱萸味厚而臭燥降逆氣甚速人參補胃生薑益脾散滯所以胃虛寒者用之

陽明病應發汗醫下之此爲大逆

劉宏璧曰陽明之不可下猶太陽之不可下也辨症之有汗無汗脉之或浮或緊一遵太陽定法可妄下哉

